

四庫全書

集部

欽定四庫全書

集部

西陂類稿卷二十一
至四

詳校官起居注事臣顧宗泰

助教臣常循覆勘

總校官檢討臣何思鈞

校對官編修臣勵守謙

謄錄監生臣朱履松

欽定四庫全書

西陂類稿卷二十一

吏部尚書宋肇撰

樂春園詩

恭和

御製賜_臣肇予告還里詩四首

_{有序}

_臣肇樗櫟庸材謬膺

皇上特達之知

隆恩渥典備極殊榮茲緣衰老乞身荷蒙

予告重以

聖製寵行嘉獎踰分曠古所無詭誦之餘益滋感愧不
揣愚昧依韻恭和四首俾世子孫不忘報稱於
萬一云

先皇知遇早曾奉屬車塵久忝封疆寄今慚藻鑑真農
歌安晚節

聖製寵微臣魚鳥西陂在同遊浩蕩春

寶氣光騰篋龍媒步絕塵

賜硃石硯玻璃諸器
御乘名馬烏騊

便蕃中

使畀眷顧

聖懷真遇已超前代

恩還感衆臣

玉音傳問答

宋胡宗簡有
玉音問答

一日足千春

輕舟遊上苑過雨淨纖塵
亭榭沿流啓林巒入畫真
畫長重

賜饌病差

敕扶臣明發清河送心依塞外春

煙水蒙

君賜綸竿謝世塵藤陰風月渺花嶼笑談真圖畫傳高

手

禹鴻臚之鼎作圖

耆英聚老臣

謂同郡李少司空元振

耄期乘獬豸載

祝萬年春

華奏

皇上六十聖壽臣年八十當來稱賀

題史蕉飲黃門春泉洗藥圖

春風長藥苗乍喜新雨足青黃界小圃參苓雜杞菊詩
人每善病藥裏香可掬經卷伴繩牀爐煙霏疎竹因病

輒得閒清詩盈卷軸
蕭晨入春山長鑱掘黃獨
靈根出紫泥和露半囊東
歸來呼奚童澗泉一為沐
髣髴天台還回首迷巖谷
高蹤寄霞表相看鬢長綠

寄竹垞檢討

森森鴛鴦湖中有陶朱里
相傳此泛舟高風香難擬
勝朝相國孫歆推朱翁子
學瞻不求名浮華視敝屣
少壯稱布衣居然天下士
中歲應徵輶詞苑詔修史
君才兼三長大手罕其比
供奉直

內廷文如繡鞞美如何掉首歸魏舒聘不起著書幾等
身今齊尚父齒定交憶京洛唱酬附賀李平江歡聚頻
燕寢香凝几一別來輒塵相思在中止我亦甫抽簪西
陂耽煙水扁舟欲訪君登堂酌清醴二老亦風流耆英
會方始

題微峰姪滄浪校書圖二首

御書藉爾校讐精野水孤亭一卷橫霜縑貌出翛然態
也似王維寫伏生

進書輦下便圖歸共我西陂訪舊磯清詩攜得牛腰卷
不許緇塵化素衣

初至西陂寄長安諸子用東坡松風亭韻

有脚不踏淥波村清境往往縈夢魂今年得請返舊隱
煙水頓洗雙眸昏堂開魚麥宛世外略約近接樂春園
御製詩有當樂故鄉春句敬以名園穿花時見孤鶴舞倚石偶把殘書溫

空亭林月散清影祇疑海上升朝暎孤篁行藥遵野岸
扁舟吹笛歸衡門故人天末幾悵望得句難共愴父言

滄浪琴僧

澄照

期過我西陂春

家釀名

熟開芳尊

冬秀堂偶述

我家微子裔宋中聚族處高曾並隱淪老屋庇風雨後
來遞修葺稍稍添廊廡先子致政歸人比謝公墅樓陰
側壘石巉巖起庭戶當年手植松根下無寸土盤拏逼
層霄點綴紅榴嫵迄今六十年見者舌為吐傍有曾祖
遺婆娑羊棗樹望去咫尺間似欲相爾汝近啓冬秀堂
陶公句有取我我午亭筆鳳鸞勢軒舞我老賦遂初偃

儂守舊矩

聖人賜西陂盛事高千古樂春過盤洲幽亭峙風渚實
以張

君賜匪敢越祖武幾日春風來杏花綻孤嶼九老緬高
會我將繼而舉

雪橋弔郢子道人

雪橋風物劇清幽四紀重來弔貫休菡萏香消誰泛艇
櫻桃園廢自鳴鳩閒尋舊迹林間少追寫遺詩壁上留

垂白不堪斜照裏一聲鄰笛送悠悠

附步前韻

韋金

西陂西去梵宮幽
瓶拂曾經住
患休幾處霜風吟落
木無邊秋水泛
王鳩橋頭茅屋誰重葺
篋裏新詩我
獨留開士城南飛錫至
依然鐘鼓聽悠悠

時約僧月溪住此

早春喜滄浪僧澄照遠道見訪適鄉僧月溪亦至
口占以贈用孫韋金韻三首

玉蘭千樹雜紅梅
領略春光第一迴
牡丹曾約滄浪衲

不道先期得米

曲徑深林取次探西陂也復似江南空亭怪底雲煙起
畫卷同披海嶽菴

大事恒從方外期高人接迹慰遐思清琴狂草移情處

正是朝衫乍脫時

澄照善琴月
溪善草書

附原詩

韋金

連宵風雨綻寒梅索笑巡檐日幾迴正是春深花事
好柴門剝啄穎師來

曲崦幽溪且共探還招老衲宋城南

謂月溪

西陂韻事

由來勝舍外新添二妙菴

與爾茶瓜有舊期三年不見繫人思數聲秋嘯

琴重名

彈罷夢到滄浪月上時

上巳邀諸子遊樂春園

令節催遊興芳郊過雨辰千林花競發萬象氣昏新
傍水開園好歸田荷

寵頻

御書驚父老

賜果帶松筠豈獨安衰質還依聚故人風騷推作手

謂周

漢荀瓶拂接閒身

澄照月溪
二上人

碧蘚欣迎步幽蘭許共紉清

陰牆柏送紅溼海棠勻梅落疑留雪芹香當煮蓴樹根
纔命酒河上又垂綸楊柳縈波面櫻桃點磻脣待搖烏
榜去長與白鷗親老境惟瀟灑高歌異隱淪載賡

聖人句真樂故鄉春

附

前題次經一韻

周龍藻

春遊剛過半令節又重三繞郭田凝綠當門水積藍
芳菲須遍采景物得深探花藥初分徑琴書合共龕
平時欣四達孤嶼喜中含樹擁蒼髯立藤抽短髮鬢
晴煙渾似燒川氣忽如嵐淅淅聲藏塢霏霏影照潭
御風君正健坐雨我還諳好事傾江左名園勝洛南
賞竒開芝閣遇隙結茅菴每送閒鷗浴頻來小燕喃
清談方外洽逸興座閒耽叔夜居非鍛淵明舉是藍
解衣浮舴艋岸幘逐驂驂試待千林曉依然萬象涵

軒昂隨老鶴東縛解枯蠶喚起歌鶯脆扶行舞柳毵
遨頭猶可續婪尾肯辭酣只有新詩警牽吟轉自慙

前題同漢荀作

歸途遇雨

韋金

花事九分九令辰三月三隴田相錯綠天宇乍垂藍
古意追修禊芳園得共探踏莎循僻逕聞鶴坐幽龕
木筆芽初迸海棠蕊半含龍頭槐攬搏鳳尾竹盤髮
松老盤青蓋山低挹碧嵐展茵臨月榭浮筆對花潭
名畫騷人讀清琴衲子諳曲終過斗舍北地勝媲江

南桃李開千樹汀洲峙一菴繞村鶯睨睨掠水燕呢
喃鰕菜從人覓漁樵素性耽麥荒翁荷插桑嫩婦攜
籃落日才搖艇言歸又駕驂歛然雲靄躋遙看雨泓
涵氣暗投林鳥聲清食葉蠶馬行泥活活烟罩柳甦
甦愁溼春衫冷衝風逸興酣高吟酬倡句屬和自懷
慙

邨居即事

時開筠兒
南宮捷音

被除纔過麥藏鵝投老邨居興倍加縛就小橋通竹園

搭成高架待藤花疏籬偶趁飛飛蝶遠水時聞閣閣蛙
吉語忽從天上至正當倚杖路三叉

附
次前韻

龍藻

淥波邨畔噪林鷓此日先生樂事加老去可容閒種
菜春來又報早看花翩翩舞對迎風燕唯唯聲催過
雨蛙傳示新詩教屬和不嫌才盡手空叉

步前韻二首

韋金

幾日孤邨噪乳鷓平林接葉暗交加清泉白石成幽

園野杏山桃帶晚花竹塢陰深方聽雨漁歌聲斷更
聞蛙惜春無計春歸去徙倚空亭手八叉

疎林落日亂棲鴟詩思閒憑景物加隴上新苗翻碧
葉籬根野菜綴黃花塵難到處聊馴鶴雨欲來時早
聽蛙舴艋輕搖垂柳岸一灣春水響魚叉

折得西陂新發牡丹一枝付孫韋金戲成二絕句

異種天香出畫闌嘉名特賜紫羅幃

明進士初
第服此

折來笑

向龍孫道好把花枝子細看

汝叔春風得意時人言瑞應此芳姿無多日月三年後
又見西陂挺一枝

附
和前題

龍藻

春到雕欄萬錦妍新看賜紫更超然亭亭秀骨鍾來
獨不是東皇雨露偏

盈庭根幹費栽培凝豔還應次第開却指一叢香雪
在白衣也傍紫衣來

步前韻

韋金

帶露迎風壓曲闌紫英端不讓羅幃青衫未脫花饒
笑且向枝頭盡意看

淡白香紅各有時誰從空谷挹瑰姿須知此地滋培
久才逐春風放一枝

春杪苦雨憶長安故人二首

坐向雕欄畔天香衣袂侵千邨將刈麥三月忽愁霖邱
壑蒙

恩日晨昏望歲心且同方外客閉戶弄清琴

憶昔淹京國英遊載酒頻飛騰當

聖代

謂湘沚日容壇長禮執侯赤靜山諸子

遲暮有佳人

謂俠君寶崖于宮陞交峙公諸

子贈別還留句相思又送春西陂煙水遍佇立向通津

雨中書事寄漢荀用東坡除夜贈段屯田韻

近郊千頃麥揚花迨將半老農顧之喜庶免去年歎說
餅行有日摘穗堪把玩何期連旬雨溼雲不肯散村居
似乘船朝夕鷗鳥伴移牀避屋漏自暮遂達旦殘書未
及整瓶花落滿案出門望四野芄芃盡凌亂欲向叢祠

禱試取清泉盥呼童疏積水操鍤戒勿緩衝泥釣叟來
柳枝將魚貫念我逼耄期頗自振慵慵蔬圃獨荷鋤竹
爐每熾炭

元惠山僧性海常製
竹茶爐題咏最多

此日懷鬱鬱搔頭坐空

館可憐婪尾花含愁待晴暖五字走筆成聊博詩翁粲

附
次前韻

龍藻

入夏甫十日愁霖驚過半階頭滴不休客子自生歎
青綠遍郊原秀色繁可玩歛遭狼藉餘低昂各分散
出門泥活活獨與形影伴頗如江鄉惡梅雨迷昏旦

擁書無好懷，枯坐守几案。
街衢濁波連，勢欲一葉亂。
溼薪朝不燃，頻就簷溜盥。
排悶強裁詩，顛斷思苦索。
竭來大篇寄，纍纍珠在貫。
朗吟到百回，頓覺起疲懦。
陰陽一氣搏，造化同爐炭。
盡埽障翳空，旭日照亭館。
豈惟麥浪輕，併遣花房煖。
喜晴句再賡，笑語風前粲。

喜晴步前韻

韋金

千邨麥齊腰，四月行將半。
積陰不放晴，頻為苦雨歎。
凌晨耳目清，霽景真耐玩。
杲杲朝曦升，霏霏宿霧散。

攤書坐南軒論文欣有伴雅志薄高雲無勞悲獨旦
搖牕竹幾竿扶疏影傍案舞簷紫燕低穿叢黃蝶亂
新茶呼童焙苦筍手自盥殘雲歸去疾微風吹來緩
櫻顆熟堪摘荷珠擎可貫上客賦初成謂漢荀先生雄詞
振衰懦載聽穎師琴謂遼照上人置腸無冰炭還擬過西
陂綠野開池館晴煙汀樹明戲魚野岸暖天光入滄
浪長歌白石粲

喜晴用東坡安國寺尋春韻

送雨一月來東風大麥臥地小麥同西陂樹色抹濃綠
薄寒不放櫻桃紅春雨如油記農諺靈霖驚倒白髮翁
轉眼積陰忽一掃黃鸝曬翅斜陽中却向柴門望邨外
穗起依然似煙海芟梁新漲圓荷生想見風裳與水珮
何來盲婦劇可憐沿門唱曲橫索錢但願一晴二十日
黃雲堆隴田歌發

附
次前韻

龍藻

竹雞啼雨兼啼風舍南舍北泥淖同小園獨坐情緒

惡架有肥綠無繁紅何況麥畦連穗倒飯羅愁絕姬
與翁尚書精禱陰沴屏銅鉦正掛天當中便覺歡聲
充野外目送波光浮兩海

土人呼城壕為內外海子

么荷蓋小蒲

葉長折來不減湘靈珮書生習氣還堪憐賀晴快飲
傾囊錢酒半霏霏花弄日一叢香剩薔薇發

送澄照上人歸滄浪

雪壓梅花扣我扉風翻紅藥送將歸江天浩渺看飛錫
水竹蕭閒待步碕月下無弦憑撫弄秋來有約寄芳菲

約送牡丹
於滄浪亭
滄浪故老如相問
放鴨西陂趣不稀

附
次前韻

龍藻

鄉語初聞喜款扉
不堪襍被又言歸
淹留西郭風搖麥
想像南園水沒碕
太古音傳終漠漠
將離花發正菲菲
與君同作遊梁客
百日過從尚覺稀

步前韻

韋金

避地西坡正掩扉
高人何事忽懷歸
筆牀料理兼茶竈
魚尾招尋又蟹碕
來看梅林紛綽約
去當婪尾鬪

芳菲涼秋景物還相報萬恨南翔鴈足稀

對月和孫韋金次王半山題白雪樓韻

聽風聽雨連三春見月恒同見日少海棠花下記持觴
曾覩娟娟一眉小閒園新霽月乍盈此際何分夜與曉
萬籟無聲惟蛙聲雖有此聲不覺擾欄花逕竹影婆娑
百尺髯翁獨矯矯二更欲盡三更來時見飛星驚宿鳥
美哉明月如佳人光彩四溢霄漢表步檐高詠老瞞詩
烏鵲南飛樹三繞

附原詩

韋金

入夏幾曾值晴時愁霖日多見月少雨餘乍吐分外
明半規當空詎嫌小恍似千里故人來良宵坐對直
迨曉天色如水露華濃萬籟聲清絕撞擾龍鱗老松
聳幹高疏影落地驚天矯涼波澹澹輕風生流光照
見安巢鳥可惜孤鶴不成眠身依藩籬心霞表引吭
忽逞聞天聲今夜月明無雲繞

樂春園看芍藥用孫韋金韻

一春花事繫清夢日日邀賓設飛鞚天香已過來狂香
繭粟幾枝芳意動漫將盛事說揚州溱洧已入詩人韻
鶯粟粗俗祇堪奴木香瑣細難為共駢紅儷白殿青陽
亞字欄邊任披弄憶昔六子啓吟社雪圃六子竹園叢深露
華重瓶罌滿插蒸雲霞清嘯從人詫鸞鳳後來南國久
勾留闊絕花香及鳥哢玩芳偶識小滄浪好事吳人傳
說衆豐臺前歲探繁葩頗與吾鄉相伯仲綵旌絳節晴
旭臨錦帳芳畦殊色送故相一亭號最幽

王文靖別業

解衣

槐下偕賓從樂春此日得遂初櫻笋經時足清供藉草

盃將花相酌

芍藥號花相

翻階句聽龍孫誦上客賦手嬾王

筠我老花前氣豪縱人言八十如四十懷抱翛然掃懣

恫前月花發紫羅幰

牡丹異種余為命名

既醉猶嫌飲未痛會看

婪尾作狡獪異種又出西陂宋

附次經一韻

龍藻

春歸怕作繁華夢猶為尋花頻躡鞚高亭彌望萬枝
懸枝逞態疑飛動此花昔先牡丹出折贈曾聞鄭

風諷爾來變格日爭新培壅須臾紅白共開遲不肯
嫁東君恰留婪尾滋嘲弄連朝積雨未飄零溼處微
看香霧重從頭一一譜佳名玉壺冰與丹山鳳紛紛
蜂蝶止還飛雜以黃鸝數聲哢天公歲歲蓄精英吐
遍奇蘂欲驚衆當初若並牡丹開三逕何妨呼二仲
却憂相妒到尹邢特教次第芳菲送其餘桃李盡凡
姿僅足先驅充侍從尋常園官致數叢膽瓶斜插成
清供憑欄反覆悟天機有似莊生輕洛誦肌膚冰雪

服綺羅眼光獨向花梢縱君詩首唱邀我吟轉因惡
韻懷懔懔和就甘受鄒陽罰一飲三升未嫌痛廣陵
東武故事存今段固宜高北宋

原詩

韋金

喚起一聲破曉夢西郊看花爭飛鞚到門先聞撲鼻
香婪尾春好迎風動當階翻出元暉詩溱洧渙渙迴
環諷十畝灼爍高下分一叢低亞紅白共小如盤盂
大如斗逞奇鬬麗待玩弄夜來風狂折幾枝低頭不

起含露重翠葉參差紅蕊垂阿誰倒掛綠么鳳蜂鬚
蝶粉都有情燕翦鶯簧不停哢寒梅高調真賞稀濃
桃俗韻悅者衆按譜等量誰為儔牡丹丰姿宛伯仲
憶昔大父鎮吳閭數本遠從洛下送種向含清小亭
中開時雜還攜賓從樹根展席看不足朱櫻紫筍行
廚供紀事各擬奏新篇好句至今能暗誦雲散風流
渺難期嗟余對花空陶縱狂香浩態又一時感昔撫
今意悵悵眼前且傾酒如澠文字之飲寧辭痛邀我

當歌濂溪生花邊醉倒呼小宋

賦芍藥罷再成三絕句

將離賦罷思如泉援筆還成七字篇
髣髴放翁居蜀日

一春常發海棠顛

見放翁花時
遊諸家園作

豐臺春晚競繁華
吟向芳叢興倍加
漁洋句子吾能記

十里徐熙落墨花

東豐

豐臺有東
西二處

前歲憶題詩
寄語園丁歸有期
今日共

知詩是識戴花飲酒樂雍熙

附步前韻

韋金

自憐結習在林泉
量雨占晴賦幾篇
此日將離花正好
何妨醉後語尤顛

膩白殷紅帶露華
繞欄三匝興偏加
己公南去應傳遍
乍見連雲芍藥花

時澄照將
歸滄浪

朝來續得鄭風詩
獨對芳叢愜素期
題就嘉名待圖譜
却無好手似徐熙

西陂詩四首

粵余仕

皇朝四紀霑

殊恩雲陞雖存致心惟在衡門持節潞亭日常懷淥波
村西陂擬結構全家就潺湲繪圖邀客賦南望歸思繁
轉瞬三十載今始來邱園徜徉煙水中激流兼植援憶
昔金山寺遊眺侍

至尊西陂乞

御書龍鸞拜騰騫嗣頒魚麥堂策勵及兒孫釣家易舊

額

宸畫懸朝曦堂開遂夙願愉悅送晨昏爰啓榮光樓照
燭遍中原唐宋兩賜湖

謂鑑湖石湖

盛事史冊存優渥似此

無鏤刻詎能諼聊寫下里詞庶共農父言

逕轉地幽僻有堂曰緯蕭亢爽秀而野頗足安漁樵廊

虛備曲折山小具嵯嶢吟窩

齋名

美蔭周玉叢

萬玉叢軒名

清

響飄欄花紛點綴洋茶帶鐵蕉架上千卷書歲月藉以
消雲煙時過眼懷抱何傴僂琴僧授指法溪友共酒瓢

知交遍海內閭里乃寥寥南北兩詩老

竹垞阮亭

悵望不可

招兒孫半仕籍幼子亦扶搖書來擬歸養云已理征輶
家聲日以振所重非金貂且同遺腹孫酬倡得逍遙

聖製寵歸老

異數高千古篇中樂春字園名臣敬取一杖度溪橋十
畝入芳塢芒山積翠分喬木清陰聚羅羅馬櫻花勢與
海棠伍節序居南訛俯仰不知暑犖確行逕微叢薄香
氣吐和松菴夙構賜果亭近補婆娑引蔓長何日摘馬

乳練雀往來飛雌雄相媚妩杏照

亭名故人書

午亭公

老筆

劇掀舞天香護異種婪尾出新譜竹搖千尺煙松活三月雨未同玉版叅已快淵明撫平泉世所豔盤洲吾獨許散髮步迴堤魚兒靜堪數惟有望

闕心不以雲山阻

梁苑三百里此亦苑中地勝蹟總消沉荒煙但委積幾處流水存遙波盪晴吹浩浩清冷池咫尺西陂會想當鄒枚後高李起而繼登臨藻思壯歌聲振湍瀨太白賦

鳴臯酒酣發長嘅風騷供鞭撻小儒三舍退其時三尺

雪盡入公胸次迄今明月洲斯人呼或出有梁

梁跨岸

甯有亭

放鴨亭

轟波際荷花紅黏天長此送醺醕網魚鼓

輕船時向柳陰繫或乘烏獬豸沙路信所致非同廉將
軍尚懷復用意只待八十時攬轡去謁

帝

長安午日諸同人集兒至筠融舟寓齋用余邨居

卽事雪橋弔郢子二詩韻見寄仍依韻答之

經年不復聽宮鴉曉起南榮野趣加
滿院苔痕行竹逕繞邨香氣送荷花
雲霄喜接篇篇玉鼓吹初停處處蛙
寢食少陵詩味裏無須冰柱說劉义

舊雨情深句最幽傳來遠道慰歸休
共言老去清如鶴自笑生平拙是鳩
蒲酒未同林際飲驪珠長向篋中留
相思竚立荒陂上歲月空憐逝浸悠

附
原詩

沅

午簷晴霽散風鴉節近天中景物加
半盞香醪沉艾

葉一株高柳當榴花軟塵怕逐天街馬幽夢時聽水
閣蛙此際西陂無那好只思踏浪舞魚叉

樂春園後景清幽巖畔孫登嘯不休小圃偶尋風蛺

蝶空庭閒聽雨班鳩龍鱗肯向松閒老鴻爪曾看雪

上留

戊子夏留宿
西陂三日

問訊前時烏獬廬青沙白水意悠

悠

陳琰

霽色微涼散曉鴉舫齋綠樹影交加故園新笋將成

竹此地戎葵小著花清濁祇應憑酌酒公私底用問鳴
蛙輞川正憶東菑樂恰好簾前挂畫叉

時懸陸包山
畫輞川積雨

詩小
景

西陂泉石夏來幽居士偏宜署四休訪道有時冠製

鷗看山隨意杖扶鳩滄浪僧到琴重撫

先是公見寄
喜滄浪僧過

訪詩
卷

雪苑人過酒可留自倡水僊浮一葉荷香月白

夢悠悠

元鈺

曉樹分飛紺色鴉小堂名飲興偏加杯浮平老三年

艾

党竹溪五日詩三歲已無平老艾一杯聊作辟兵符

座有科名一樹花

石榴一名

科名花謂蘭揮吉士

偶對午風思夢蝶漫隨秋水聽鳴蛙春帆

競渡江南岸紅斷溪西燕尾叉

好在西陂杖履幽小亭初築號休休縹壺送喜風吹

鴈紗帽行田雨喚鳩霜鬢四方知未滿名僧萬里為

淹留中朝司馬歸田後多少人閒去事悠

至

鶯啼纔過噪雛鴉嫩綠當牕客興加
視草今年聯棣萼趨庭往事說藤花
官閒大似三眠柳門靜何須兩部蛙
蒲酒盈樽來舊雨新題闔罷手頻叉

西陂烟月足清幽方外詩人到惠休

聞滄浪僧澄照過訪

十里

芰荷藏鬪島千章楊柳帶鳴鳩
平頭拄杖穿花去短後單衣冒雨留
極目雪橋何處是鷗波無際夢悠悠

再疊前韻二首寄懷經一

沅

清泠池上銷魂地追記前遊興倍加
曉陌籠鞭過竹

塢水天沈醉宿荷花白沙翠沼村村柳菱蕩蔬塍處
處蛙正是謝公行樂處吟窩得句手頻叉

封胡遏未人人勝小宋臨風憶未休下筆憐君如渴
驥營巢笑我作癡鳩才華冀北宜軒翥塗輒嵩南久
滯留且喜鯉趨文選熟側身懷古思悠悠

步前韻兼答湘芷先生

韋金

正當撰杖數歸鴉重五詩來興更加諸父一時方視
草故人偶過共看花萱含曉露迴幽蝶柳暗遙汀噪

怒蛙未到融舟蕭散地倚欄欲賦手空義

清冷池畔景清幽仙侶同舟思未休
淦翰才高君附鳳為巢性拙我如鳩
半橋斜日行吟過一曲輕烟把釣留
記否去年相送處柴門月色望悠悠

秋晚漫興

漫道滄溟是我家西陂隨處足煙霞
孤松濤起聞堪撫野水波澄望更賒
鼎鼎年光來鴈陣悠悠生計付魚叉
回鑿方物時當獻自向園中摘木瓜

附步前韻二首

韋金

閒閒十畝好移家竹裏烟光竹外霞疊石為山登欲
遍埋盆作沼興偏賒霜遲麥熟蕎麥方爭刈水落魚寒
漸可叉莫道荒村經過少老僧來往共茶瓜

住近荒芹白鳥家關心端祇在煙霞聯吟花外幽期
好拖杖原頭野趣賒大谷梨成枝拂檻烏桕柿老影
攢又夕陽西下荆扉掩除架閒園自剝瓜

往歲暢春苑啓事常隨午亭先生出西便門公重

出此門感舊有作遠道見寄走筆奉答

少陵昔出金光門後來重過憂思繁東坡五字答公擇
彭門會合曾為言古人風義皆如此此道今人誰復敦
午亭先生行古道顧余情實逾弟昂別來一載念甚渴
彼此酬倡勞夢魂今晨西陂除架了忽枉雅調來荒邨
為言啓事便門過憶昔與我同短轅竭來載經增悵惘
風花輦路依然存清辭健筆遠相寄宛如握手笑語溫
余正停雲欲有賦神契直竝居易稔清泠池水清見底

哀雁叫侶黃葉翻千迴孤詠勝服藥幽憂之疾一朝伸
菊英滿把霜月上何當此夕同傾樽

附
原詩

廷敬

音書迢遞雁飛翻往事誰堪與共論十里烟花隨

輦路五更燈火出重門東都祖帳何人在北海賓朋

舊日存再見渭城新柳色殘年銷得幾迴魂

時具摺
子將請

告未
果

夢中賦白菊醒記首二句為續成之

晚花不設色寂歷綻荒園偶夢空亭外相看老樹根雪
花紛自照香氣澹能存味得陶公句無從著一言

送漢荀返吳江用阮亭雪後石帆亭懷賓公山中

韻

偃息煙水窟檢歷歲已窮西陂雪三尺林壑改舊容故
人返南國颿挂新霽風留別枉瑤草悵望阻江峰安得
身為雲長與龍相從月憐宋郊白梅憶昌亭紅中懷方
悽如雁響來霜空

夢賦海濱樓閣得起二句醒來續成一律

危樓縹緲俯歸墟碧瓦丹楹落照餘自是老懷無俗韻
偶從幽夢到仙居摩空激箭看飛鵲出水如山訝巨魚

記得秦皇高島畔酒酣作賦擬元虛

余有秦皇
島望海歌

致兒自閩海之任巴蜀便道抵舍留西陂一月適
至兒自都門寄致五絕句因走筆和之

幾載閩天入望遙又官巴蜀路迢迢小住西陂好風景
柳絲匝岸水平橋

櫻桃如火笋抽簪紅藥狂香度遠林一杖偶尋清淨退
兒孫詩話共松陰

江瑤柱喜行厨薦鳳尾蕉從海舶移稱觴一事猶懷歎
未得輕紅擘荔支

鵝兒似酒趁漁舟放鴨空亭取次留又送吟鞭過劍閣
月明無那烏鉤輶

緯蕭授研傳詩派可竹新篇亦起予多少阮亭舊題處
捫碑好為一停車

兒至奉

使黔陽計程當過鄭州遙望賦此

衝炎乘傳相騁騶天外黔陽路漫悠山水方滋新句得

文章有事素懷酬回瞻

北闕增惶恐近接西陂敢滯留好待秋深瓜果熟

今歲
咭密

瓜蒙
御賜葡萄最盛

張筵四世聽吳謳

屈指

屈指將成八十翁扶持猶未謝雙童談禪社結烟波上

謁

帝心懸霄漢中遊履擬追劉秘監

劉九遊嵩山學書恒凡七十四次

愧杜祁公偶攜坐具空亭畔領略荷香月正東

紀夢

連宵有清夢今更入雲峰似此仙靈窟全開浩蕩胸盤
山杏花雪廬阜月明鐘彷彿曾遊處重來策短筇

王賓興方伯致政歸江南以小照索詩漫為賦此
遂初誰為寫羲之別業金沙一水涵歌頌兩河盈篋在

還將七字索西陂

看花

天與芳春樂看花日幾遭土牆行竹色茆屋落松濤作
社邨烟亂催耕鳥語勞提攜雙蠟屐還擬謁崧高

送眼聞禪師主古白雲法席

白雲蕭寺舊知名枯木堂前野草生何意西江禪叟到
頓教中土法輪明祇林風過飛花雨祖地春迴見象耕
欲問芡芻隨粥鼓金山公案許重評

歲暮夢遊西湖

遊興老不可遏詩瓢永夜淒清孤山疎梅幾樹冷泉明月三更

西陂類稿卷二十一

欽定四庫全書

西陂類稿卷二十二

吏部尚書宋荦撰

聯句集

初冬夜集聯句

同高念東先生曹實
菴王阮亭謝方山

羈棲欲何為不如行荷鋤

念翁

節倦招提遊

先是有勝果寺之約

飲

愛文字洽

仲牧

晚照橫蒼山涼風吹白恰

實菴

稻芒蟹初擘

松牀酒新壓

阮亭

殘菊映深杯狂言遞相狎

方山

人皆白社

侶詩競黃池畝

阮亭

妙畫鑒東丹

是日觀東丹王射鹿圖

歸人憶巫

峽

阮亭坐中吟不得荔裳妻孥下峽消息詩

牧仲

西曹最喜齋北陸巧當裕

念翁

霜威逼簷牙星芒動簾押

牧仲

不妨乘興哦未中考功

法

念翁

煖思漢廟耐冷畏堯廚

阮亭

卮漏川灌河氣壯兕

出桺

牧仲

暫爾賢聖中詎必金貂插

實菴

采隱夢廬霍泛宅

羨苔雪

阮亭

斗室即江湖拍浮類鳬鴨

牧仲

旅懷歡已忘險

韻句偏恰

念翁

天馬行馭安海鯨動呀呬聲殷雷破壁勢

急帆出夾

阮亭

縱橫字屢乙跌蕩顏能甲

實菴

銘鐙聲叟樽

書留老姬簪

牧仲

久企松子遊無事宣公劄

方山

稍聞動鼉

鼓曾否熱羊腍

實菴

勿憚金吾訶重沽錢未乏

念翁

聖安寺聯句

同高念東先生施愚山王阮亭謝方山錢介維袁士旦

暮雲如斷山返照林下寺

阮亭

蕭散乃良覲斷續幽人至

入門盼寒柯揖讓爭行次

念翁

牆剝古時紅柏剩經冬翠

旦肅肅僧寮清穆穆禪宮閔

方山

草創緬金元烝嘗借初

地

寺內舊有金世宗章宗像元初奉太祖以下神主於寺之瑞像殿

牧仲

金貂會三族絳

節來羣帝爰遡大定年下洎至元世剎那人代變彈指

河山異

阮亭

茅社閉天陽仍歸瞿曇氏

念翁

法象窮雕鏤鄭

重

先皇昇

寺有佛像出大內牧仲

驚嶺舊飛錫龍馭屢迴轡

梅檀佛嘗飛至

寺中元學士程鉅夫有記

百靈走蒼茫三車赫鼓吹

愚山

妙相初無言

宛若拈花示維摩不二門灼然第一義

念翁

畫壁商喜留

吳裝何詭麗

牧仲

絕筆追顧陸纓絡雜珮璫

方山

天女靜窈

窈雲旗儼容裔

牧仲

勢伏龍虎馴氣攝魑魅悻

方山

梅檀邈

古跡金粟爛名繪

介維

竹房穿碧煙苔碣捫綠字昨聞捷

奏宣黔陽走吳淠從此罷鼓鼙花龕得高會

牧仲

殿閣明

佛鐙齋廚出香豉

方山

生菜薦春盤巨匕削羊載

介維

難窮

祖帳情

時念翁將還山

略遣文字戲

愚山

擁鼻發長吟談天奮高

視酒氣徹鬚眉墨痕浣指臂

士旦

雅調紛鳳鸞險語掣鷹

鷲笑驅山可移怒號星欲墜韓杜競倔強皮陸閒流易

錯雜成宮商一滴大海味

愚山

既足張楚軍亦已拔趙幟

念翁

舒嘯和哀猿振藻漸上駟

牧仲

共擬寒山詩聊述淨名

意阮

亭鼠鬚爭歲蕤鵠眼交睥睨揮毫詫脫兔敵人不及

避

維介

河嶽曠遙情海岱羅奇思欣感共顛倒主客謝拘

忌

愚

綦烏錯羣賢旗鼓當大帥士鬪場號禪窟東安妙

談議未能離塵垢稍欲藉鉗錘

阮亭

精藍梅吐苞老樹烏

垂翅蒲牢時一鳴牟尼靜如睡

士旦

飛甍落梁思空垣凋

薜荔

牧仲

篆烟縈後視香臺蹲巖巖方山野馬靜諸天蒼隼

側雙背

士旦

醉鄉戰已疲重圍或可潰天寒僕御愁促別

喧車騎

念翁

迴聽金琅璫星河宿檐際

阮亭

讀高念東先生瓊花觀詩因懷廣陵舊遊即席聯

句

同念東先生施愚
山王阮亭謝方山

瓊花何意也愁人

念翁

且遣當杯酒入脣萬事揚州成舊

夢

愚山

三生杜牧失前身

念翁

雷塘螢火猶侵夜

牧仲

官閣寒

梅又放春

愚山

吟罷新詩轉惆悵

阮亭

二分明月竹西塵

方山

即席奉送念東先生還山聯句二首

莫教嚴漏促行觴

阮亭

好月遲來縱我狂

念翁

九老幾人歸

洛社

牧仲

五言今日賦河梁

阮亭

還山白首身猶健愛客清

尊夜未央

愚山

他日登臨重相憶

方山

平泉風物輞川莊

阮亭

瀟灑由來屬樂天曠懷今復見菑川

方山

香山舊隱人歸

去長慶新詩世久傳

阮亭

纔罷朝參翻獨笑

愚山

頻耽野飲

縱高眠

牧仲

勞君三疊殷勤倡我已風塵四十年

念翁

筵上咏鐵脚聯句

同周紫海王阮亭謝方山錢介維程山尊袁士旦

經年疲塵鞅埋首困束縛沐浴乘春閒客過欣同酌

方山

春盤風味佳薦此野田雀

牧仲

羽族誠瑣細高舉慚肉攫

阮亭

逐隊從鳩燕潛身避雕鶚

方山

曾向大官厭鼓翅恣饒

啄

紫海

有聲但勞利無心慕寥廓

阮亭

稻粱性能諳林園意

彌樂士

旦

穿屋軀體微啁簷毛羽惡

牧仲

祥知近集庭孝感

遙投幕引羣賀厦米應瑞銜珠躡六翮奮何時一枝且

深託胡為鍛羽翰橫取媚脾滕

山尊

啁啾鴛瓦翻歷亂雲

羅著

介維

彈射空城尋縷切初筵數

牧仲

量同十步飲智愧

三嗅作長竿類黏蟬明珠異彈鵲

阮亭

率場田父愁繞砌

兒童捉

介維

佛首野夫獻斲脰庖丁斫

阮亭

稍聞鼎俎香太

息虞羅虐

士旦

品雖遜熊魚味終壓藜藿

方山

七箸任縱橫

口吻鑒精鑿充腸失肥甘膩手信披剝微如出醢雞飛

似搶榆鶯

旦士

鮮肥有本來香脆妙煎燂腸胃少腥羶骨

骼耐咀嚼夥聚無一嚮連啗豈滿壑

維介

瞪目冀豐餘朶

頤恣酬酢

尊山

染指類龜羹關箸並雞臠

牧仲

狂寧乞鵝炙

渴欲思羊酪妙手蘊薑橙真意謝糟粕噬聞宮徵調老

畏牙齒落

阮亭

髯掀競橫肱纓絕肆浪謔

紫海

披綿映短燭

截肪侑康爵報恩懷玉環賜名徵鐵脚

牧仲

詎能咸其腓

誰解鑄此錯

阮亭

人生耽口腹是物勞熏灼

牧仲

適口念生

成感心增索莫

山尊

小鳥生有營老饕意無怍

旦士

羣飛失

翻翻鬻取爭霍霍

仲牧

殺機滿天地縉繳到山澤

阮亭

慨彼

弱羽加何異遊魚涸

山尊

靜觀大化理坐歎生機薄

士旦

侶

燕危處堂伴鼠憎無角

介雄

探轂餓憫趙銜轂貴占郭

仲牧

蚌蛤化已遲螳螂伺猶昨勿笑掩目捕寧思撫髀躍

阮亭

我欲反其淳解網出湯鑊塵清威鳳遊政憚仁麟格皇

然象帝先鳥獸稱咸若

紫海

木瓜聯句

同錢介
雄兒至

嘉果美中州碩大懸林木
蒸檀香勝棠烝栗色婉玉種

處異東門摘日當西陸

牧仲

李生怪心空柰似喜辦簇數

枚燕公袖五株華林曲

介維

實成壓哀梨花發值杏粥刪

葉煩邛翁綴枝駭園鹿

至

斗漫誇赤萍卵或遺黃鶴蠻

植顆遜芳諫果品同肅

牧仲

鹽山恨未登何賦快曾讀光

怪金纍柯聲價珠傾斛

至

曰瓜省鋤勞非棗惱鄰撲韻

繼萬卉凋收比五穀熟

牧仲

啄防大嘴烏蠹剔在桑蠋攀

取得團圞拂拭藉巾服

至

素商吹自幽青女飽更馥藥

物宣城良土賦杭湖足

介維

裝疑海國珍權慮闕門酷

牧仲

郵遞競兼程，稠載妙盈簾。

介維

聽鸛鄙一雙，耀車當二六。

懷橘自徒爾，過江能化不。

牧仲

濡澤佛手慙，氤氲仙掌出。

嶺

南恩

至

持贈燦筐筐，護惜視寒燠。

牧仲

磊砢幽人喜，饗餐

稚子欲

至

盤盞，位置高橙柑。娣如屬，雖謝霜柚圓，頗笑

凍芋縮。

牧仲

種憶黃臺分，蔓匪朱陵續。蜜脾潤，詎乾砂斑。

點未浴，供訝緱氏埋。削宜公輸督。

介維

當俎菌，蠡鼓繁座。

霏微獨

牧仲

冰骨傲雪霜，膩色逞膏沐。侑酌薰夕牕，伴書

媚朝旭。

至

鼻觀趁靜，便手弄戒，迫促

牧仲

釀酒和秫，糝瘳。

痾薄參茯至豈惟呈陸離兼能已拳蹙介維夥薦傍畫屏

醉攫翻碁局釋名酢可餐御冬旨偕蓄牧仲酸苦愁客心

苞苴感末俗况將梔蠟搏那異鬱金簪介維三復報琚篇

相投莫碌碌牧仲

宋刻絲蟠桃圖聯句同兒至

短縑結奇繪有蕢羨嘉果牧仲纂組渾端倪點染謝婀娜

至藉機杼寫生堪裡祀伴蒨青絲用引枝縹色妙烘顚

牧仲獨樹迴扶疎連蒂恐傾墮至幹橫待胎禽葉蝕疑螺

羸

仲牧

頰榴或等觀玉李未足夥

至

海嶠貌來遥斗室懸亦

頗

仲牧

硯礪實一雙掩映雲五朶

至

鳳梭意良工鮫織筆

非左

仲牧

在藝得神明涉想極么麼

至

肖形儼吃粉申咏

窮炙輶

仲牧

細玩侶咄咄驀見信可可

至

憎俗錦段拋畏

偷房櫳鎖

仲牧

鵝溪遜爛熳顧繡笑纖瑣經營實云勞位

置亦殊安

至

王母授恒珍徐熙技難播涎從摩挲流摘

欲襟袖裹

仲牧

宋代製何人路沙寶維我

至

精光騰卷軸

壓倒米家舸

仲牧

雨中漫堂聯句

同何次德
陳次山

薄宦念索居苦早憂正切客驚二妙米霖降三伏節雷

殷蕩鬱蒸颺散動騷屑

牧仲

松舞日色沈礎潤土脈泄

次山

黑入太陰垂光閃銀海澈衛公一何莽錢唐信作孽澎

湃河勢傾照耀電影掣

次德

賦草愁漫搞亭名喜任竊別

院飛潺湲急響傳駟鐵

牧仲

閣鈴亂角筭庭麥漂漈洌燕

翻失呢喃鶴聲羨孤潔

次山

誰移匡山瀑懸向官舍稅生

憎溢階除將毋煩榜杙

次德

石洗苔露錢漲發洲隱玦灤

鯽斚大上潞沙畏突決牀遷豐溜隨步舉洪濤截

仲牧披

襟彌清涼卷幔謝炎熱

次山

幸停吳牛喘宜取漢書閱

仲牧

蝸廬紛縱橫蛙鼓獨怡悅

次德

荷葉倒半池榴英墜千結

牧仲檐柯俯而恭檻草偃莫茁

次德

俗韻清淙淙幽興爭滴

滴氣清香篆搖波晃觥心凸

牧仲

娟淨明葛衣蕭爽透簟

蔑

次山

坐起嗟滂沱轉盼居寥泐豐凶變俄傾天地用奇

譎

牧仲

泛濫成巨浸畚鍤開水埒只合把釣緡還須躡輕

橈垣頽戶難局薪涇煙不熬

次德

泥融拔蜀黍風微鳴蜻

蛸

次山

蝶絲黏廉旌蟻陣遁槐穴酒瓢憶空山破牕記老

鐵

楊鐵崖有破牕風雨記

感宋玉秋懷奪阮瑀吟訣仲牧茫茫隔林

巒活活泥車轍

次德

咫尺同濠梁曠望渺勃碣陂塘下聞

鷗脾睨挂殘蛸

次山

雲威互凌競星芒作明滅次德戊漏聽

已罷筵燭跋亦迭既醉霽景臨申旦高唱闕城南追勝

遊絕塵共奔軼

仲牧

孔雀聯句

同兒至

珍禽產炎方嘉名錫南客品流亞鳳鸞羽毛豔圖冊

仲牧

紀官今大夫獻瑞昔重譯至卯伏或在埭籠致恒從舶

小兒對本佳九嬪賦稱藉翠旂兮楚吟飛蓋焉漢借仲牧

樹尾聲肅肅蹠足睛覩覩矜麗逐冶容導舞應手拍至

思鬪儼雞雄獨立分鶴格仲牧金錢列繡屏綠蕤聳彩額

至行憐襍褫披叫任郁呶嚇似竊龜背穹應受鶯歌責

仲牧飲泉抵防牛啄地毒尋螫至薄怒首漫翹偶驚角忽

圻仲牧入春倍絢奇落花齊凋翮碧雞謝森纚綠鳩畏逼

迫絲竹愛啁啾鷓鴣等格磔團扇製遜工車輪樣爭赫

栖宜珊瑚枝步當瓊瑤席織裘藻火鮮珥戶錦雲奕萬

里來三梁兩年伴雙戟鈴閣引頸閒嶺徼歸路隔至影

弄晴景初夢繞瘴海夕

仲牧

每歎造物靈允屬文鳥伯至

命儔整以暇比翼光而澤朝飢生菜耽暮宿高架擇沙

虛臥喜便徑曲飛嫌窄

仲牧

頗渾染淺黃衣不著點赤至

傍籬菊愧金照水池全碧看雲頻孤騫下階時一擲懿

哉西施稱困矣太尉宅枇杷取共寫

黃荃有枇杷孔雀圖

鸚鵡許

同適丹梯舊訝登桂蠹疇醫瘠病亦來清詩貴維因創

獲蹉跎感待士悵望傷寄迹

牧仲

久結清霄懷會克元圃

役至西崑刻畫餘漫堂更攬撫

牧仲

鮒魚聯句

同周此公朱海人吳志上兒至

時鮮誇南州首夏三鰲薦嘉味配朱櫻芳辰趁紫楸

牧仲

白浪狎唼嚼碧藻恣遊行

至

昔名江東產近憶富春岸

叶此公巨口不足稱縮項那可羨

至

响沫信知樂小觸輒

生憎色潔鏤晶寒腹皤堅甲繕

悔人

鼓鬚奪爛銀脫網閃

淨練形秀躍匣刀刺斫折襪線

牧仲

後鱗諒匪誣去鱖當

屬諺

至

出水尾未賴入筍目猶眴

公

來應月令候行不

江湖遍

至

恪貢馳驛騎特獻開

寢殿稍踰往歲期恰佐端午燕

仲

飫嘗歡野客中廚先

使院

人

既陋白小微亦晒松鱸短

叶

如茶列犀鎧滋灰

結寶鈿細瑣骨支撐叢苞子連貫

叶

飪合澗芹兼雋並

盧橘見

公

滌腴挹泉乳助韻毛薑片

志

釋名爾雅闕方

法本草撰登俎防損鱗貯肪偏宜甌

人

較河豚謝毒與

熊白等觀

叶

香疑躡鼎熟飽覺鼃飲濫

叶

公脂滑乍

霑脣羹美留漬麪

志生

致體殊瑩緩烝勢若顛畏啖何

其愚

蜀人呼為瘟魚不敢食

得珍未妨擅

悔人

買時綠荷包膾處霜

刃剗玉屑簇簇攢冰花差差纏

至

風透座送香日晡色

不變骨鯁雖推殘烟波仍眷戀

志上

老饕偕五君朶頤或

三噉盤罄風雨疾箸鬪楚漢戰

牧仲

蠻語詠參軍齋心戒

許掾

予是日蔬食志上

雅章緬信陽託諷意何限

叶牧仲

紅豆聯句

同錢介維吳志上兒至

亭亭海南木結子麕不億

牧仲

託根自蠻方秉性具炎德

介種種植徐表傳土物宋祁識至樹爭號杪櫛花迴類簷

葡萄莢狀仍菽卻瘴功等意仲牧擊珊瑚紛如染靛韞一

色介臍裂儼掐痕膚齒足首飾志啄許綠衣背栖合丹

山翼至妃淚凝冰丸鵲血漬粒食介含桃脣乍翻滌豆

面同拭志釘果陋巴蜀夥銀尚京國俗多於銀中貯之至豔將

火棗齊圓未驪珠逼志映燭暈彌增記曲名舊得介貽

喜傾筐傾貢缺職方職愛之則龍睛棄之則雞肋至嵌

散播樂府賭酒效鉤弋牧仲打鴛鴦以雙寄綢繆怨特志上

比難窮羅蚪藝匪待后稷介維好製絳囊盛恐被黠鼠賊

志上蒙叟名山莊風流信無極仲牧

秦吉了聯句

同朱竹垞
邵子湘

珍禽產邕管自呼秦吉了子湘脩脩羽儀澤炯炯眸子瞭

竹垞紺衿映日明花翅點雪皤子湘尾輸山鷗長形陋么鳳

小丹味漫多知黃距亦何蹻仲牧批肉冠樣奇垂耳蠟光

皎竹垞跼跼鵠鵠嗅嗅鄙伯趙好語鎮閒關餘音或繚

繞仲牧雖殊鳩舌蠻偶類雉鳴鷺竹垞宣和譜乃遺爾雅釋

未表屢奮躍不停獨立聲忽悄唳受野鶴欺飢慮狡童

鵬牧仲甘與炎陬辭怕趁海舶杳羈棲恣飲啄簾幙信昏

曉寄身在籠中結思仍木杪子湘稟質洵云微卽物慨詎

少所以韓退之作賦感二鳥

竹垞

西陂類稿卷二十二

欽定四庫全書

西陂類稿卷二十三

吏部尚書宋肇撰

楓香詞

天香

龍涎香

島嶼蟠沙烟波抱月潛蚪吐沫如許斂自綃宮滴同薇
露萬里浮槎誰取博山小試似快翦雲英一縷裊裊縈

簾拂座帳望海天何處 最憐空閨獨炷對氤氲燕梁
鶯戶漫倚銀篝聽盡夜深梅雨此際相思不淺歎荀令
風流頓非故素被餘薰纏綿未去

水龍吟

白蓮

田田漫舞銀塘魚牀捧出梨雲好新妝淡泞靜窺湍瀨
臨風窈窕翠羽低穿水渌斜壓數枝偏皎宛湘妃獨立
輕綃掩映明璫綴波光照 三十六陂淼淼漸黃昏冰

姿恁悄開宜玉井折應素手闌紅都掃露冷纔香月明
無影賞花共老對鶴洲千朵堪成雪賦向鄒枚道

鶴洲在梁

園即鄒枚
賦雪處

摸魚兒

蓴

甚江東綠波無際泖湖風物尤美露葵生處春洲遠翠
葉紫莖鋪水輕摘起見說道參差荇菜渾難比煙邨小
市算只有吳鮮依稀釵股好自伴菰米 秋風動有客

天涯徙倚采芳曾作歸計當時但為鱸魚膾何事悵然
如此誰鼓枻常是那香羹調向蘆花裏樽前漫記與
碧澗芹芽簾泉玉版瀟灑共丰味

齊天樂

蟬

西園漸屆清商節疎林一聲淒切葉底潛流枝頭乍送
常向空庭紛聒齊姬恨結正無限傷心曉風殘月寥落
高天滿身涼露響還歇故園舊曾聽處柴門閒倚杖

清韻飄忽翻入雲深傳來院靜不數哀蛩啼鳩悲秋自
說任南陌東城斜陽明滅更憶閨中鬢絲真髻

桂枝香

蟹

江湖歲晚正水落空洲楓下高岸設斷平沙敗葦燈光
零亂輪茵乍向臨流得掩青筐霎時皆滿誰憐攜去魚
莊草舍清霜一片又早是重陽款宴歎秋色殊佳籬
金初徧幾處酒人對擘新橙同薦老饕只愛持螯嚼想

眉山曠懷如見還從醉後茶烹石鼎恍窺雙眼

齊天樂

春日同諸公遊祖園分賦

柳煙如織綿初落好春尚留南郭野色分橋清陰漲圃
彷彿江鄉池閣碧桃吐萼更紅藥芽新紫藤苞弱斜日
溪亭半篙綠水燕低掠舊遊歲華已遠賓朋仍此地
共傾山酌扇底眉彎花間句麗多少相思依約東風輕
薄漸吹得羈人鬢絲非昨一曲高歌醉中天作幕

虞美人

酒邊用吳凝父春色韻

橫波翦得吳江影
髮覆螭蟾領
文茵走上臉微紅
恰聽雛鶯羞澀
哢東風
輕盈擬倩遊絲惹
留住春光也暖
香豔雪綺筵邊
好個朦朧烟月
斷腸天

永遇樂

柳絮和曹實菴

望去非花飄來疑雪
輕狂如許
未作浮萍已離深樹
此

際誰為主隋堤三月幾回翹首一片漫天飛舞最堪憐
無根無蒂總被東風弄汝 蹋歌魏女離情多少問道
春光何處乍撲空簾旋黏芳逕好倩鶯銜取還思往日
鵝黃初染變態頓分今古枉垂著長條踈地綰伊不住
調笑令

任邱旅店有吳門怨婦題句自敘云妾白晠月
號蓮仿家住半塘幼失雙親寄養他姓姿容略
異慧業不同非敢擅秀閨中願效清風林下豈

意我生不辰所適非偶日彈琴而相對百恨纏
綿時捲幔以言征一時哽咽余爰題之驛亭人
各憐之黃土可耳丙辰三月廿日北上過此挑
燈細讀感慨係之因槩括原詩為小令用貽好
事云

吳宮春深怨別離風塵慘淡雙蛾眉鵲啼月落寸腸
斷香消芍藥空垂垂流黃未工機上織生小殷勤弄
文筆新詩和淚寫郵亭珍重寒宵誰面壁

面壁淚痕溼想見含毫燈下立風鬟雨鬢吳宮隔芍藥
香消堪惜明妃遠嫁歸何日一曲琵琶悽惻

阮郎歸

聞畫眉聲和徐方虎用山谷韻

雕籠小鳥兩眉彎誰為描遠山好音縹緲落簷前空堂
成碧山低格磔碎間關新聲李義山聽鶻攜酒送春
閒何時少室山

唐多令

偶憶

楊柳正如絲，蟲蟲見客時。
愛房櫳乍出，遲遲幾度問年。
羞作答微，笑道有娘知。
回首便天涯，幽情減牧之悵。
紅橋雲樹，迷離應是尋春人去。
晚風雨過，綠陰滋。

蝶戀花

送曹蛾眉歸毘陵用王阮亭韻

得暑長安榴吐繡，客憶尊鱸，不待清秋節。
座上高談驚乍歇，篋中留得文如雪。
折柳旗亭歌一闕，竟別東華。

人道真癡絕無限相思何日徹春申浦上蘆花月

綺羅香

螢

借草生情因風弄影熠燿飄來何處箇箇輕盈點綴秋
光無數纔亂穿小幔疎櫺又暗照空牆廢圃似從他狡
獪天孫繁星灑作夜深雨佳人輕把扇子撲取青苔
砌上玉纖籠住淒切寒蛩妒殺流輝遲暮怕燭至暫歛
微明綴庭柯頓成珠樹最堪憐數斛徵求遍山崑放去

隋煬帝徵求螢火數
斛夜遊遍放崇谷

魚遊春水

漫懷

蕃馬屏風小園向洞房春正好鴛鴦飛起不道雲深波
杳映日曾憐杏蕊新籠烟還憶楊枝裊片月常虧雙魚
恁少遠道萋萋芳草天外山同眉黛掃誰知孤客登
臨總傷懷抱輕寒輕暝春歸久閒悶閒愁秋到早斷續
哀蛩蕭疎叢篠

青玉案

余以楓香名詞漫賦

楓香橋是黃州路
留岸幘扶筇去
一望霜天風景暮空
山流水白雲紅樹
動我悲秋賦
於今屢夢高歌處
聊取嘉名錫癡語
蘭畹金荃休見妒
花間低按尊前輕度

總愧江楓句

宋高賓王詞
名竹屋癡語

送我入門來

閨怨

翠浪翻惟紅綾燦枕燈花細落銀缸夜雨春風寂寞掩
蘭房吐絲妾似蠶眠箔奈化枳君同橘過江此恨倩
誰說與願逐晨風飛去遂到君旁水遠山高雲樹但蒼
茫鴛鴦幾見池中睡歎芍藥空飄檻外香

醉太平

春閨用方虎偶作韻

花開亞枝鵲飛繞枝臨風偏惱萱枝道春歸有期
懸網絲琴閒鳳絲傷心聊寫烏絲問人歸幾時

柳梢青

早春

何事淹留朝來春色又遍皇州綺陌燒燈鳳城挑菜吹
面風柔 招尋漫逐鳴騶回首處傷心舊遊燕子穿簾
杏花倚檻小小紅樓

百字令

同王北山葉訥菴王阮亭過張晴峰寓齋聽金

山人彈琴

晴峰出藏
畫鑒定

消憂何處愛張融
舟屋軒牕偏闊綠
樹陰森新雨後一
架藤花爭發文酒
移情雲煙過眼俯
仰塵襟豁枯桐掛
壁鞠通古琴內
炷蟲名隱隱曾齧
客有江左風流郢
中高調
抱取金徽拂四座
無言燈影靜清響
傳來超忽曲奏離
騷腸迴冰炭宿鳥
驚林樾嗒然相對
當簷飛出明月

少年遊

清明

禁煙時節好花開
客思暗中催幾樹
垂楊一庭芳草小

雨燕初迴 春光記得江南早
林際倒深杯 杏子衫輕
藕絲裙軟 遊女踏青來

三字令

春夜雨

春正好 雨絲絲 溼花枝
朱戶掩 畫屏圍 耐輕寒
聽細響 夜何其 三更後
夢遲遲 幾多思 燈影澀
漏聲稀 恨殘紅 愁嫩綠
曉來時

越溪春

賦得流水桃花色

灼灼花開溪水上
天氣豔陽中
斷橋野岸芳菲滿
把碧流染就嫣紅
沙鳥驚波遊魚駭浪
春到綃宮
木蘭艇趁東風
好景武陵同
最憐十里五里淺瀨
明霞一片輕籠
漁父舊時應有恨
捨櫂去悠悠

珍珠簾

題陳其年詞集

蘇門曾說孫登嘯
又何似仲舉清歌
偏好一曲和皆難

聽餘音縹緲漫寫江南腸斷句又變作離奇天矯高調
是烏絲舊唱迦陵新草還憶往日風流向旗亭畫壁
雙鬟爭道廿載飄零剩髥霜多少

天子凌雲思賦手喜歲晚遭逢非小堪傲有牛腰詞卷將人壓倒
采桑子

舟泊南康望廬山用錢介維韻

亭帆舊是兵戈地寂寞城闌腸斷行人何處吹煙一縷
新屏風九疊千霄立翠染波紋多謝匡君雙劍峰高

割曉雲

南浦

登滕王閣

高閣尚歸然背江城俯瞰東流朝暮雙槳溯波來登臨
好襟帶風煙無數斷霞縹緲孤飛猶是當年驚潭影悠
悠渾不定送盡幾番歌舞最憐詞客消沈有殘碑剝
落半敝古礎勝地走戈鋌帆檣集乍息一天鼙鼓倚欄
呼酒黃昏還聽濤聲怒歸去蓬牕明月上照我醉眠南

浦

高陽臺

章江舟次讀玉田詞步集中韻

遠水拖藍晴峰送翠徐牽三板輕船野岸風箏撩人怡
是新年垂楊不負東君約裊鵝黃一色堪憐更悠然幾
處漁歌幾點村煙家山回首斜陽外但萋萋芳草蘼
蘼長川十八灘遙舟人指向鷗邊紅牙漫拍王孫句倚
蓬牕聊破愁眠莫垂簾尚有江梅尚少啼鵑

西陂類稿卷二十三

欽定四庫全書

西陂類稿卷二十四

吏部尚書宋肇撰

序

御製詩集後序

聖人之言大備於六經而溫柔敦厚易感人性情之深者惟詩教為然粵自濬哲文明之聖在天子位又當中天盛時帝庸作歌元首起而股肱喜詩教之興自此始

也欽惟我

皇上聖德神功登三咸五光天之下從欲以治乃以
天縱之聖稽古典學惟日孜孜

萬幾多暇

聖藻揆天每一篇成層霄絢采用以人文化成天下日
進百姓於昭明雖放勲之光被四表格于上下何以加
焉惟是皇極建而萬方平四十二年於茲矣迺

天章韜祕猶未布於天下四海黎獻引領觀光

臣久有

懷未敢輕瀆今年春恭逢

六龍閱河南幸臣乃得於對揚之下奏請

聖製詩集鳩工梓行蒙

允臣請放發

御製詩集十卷二集八卷又

命臣士奇齋到續集二卷共二十卷臣盥手跽誦如聞

鈞天廣樂猗與盛哉臣不揣愚陋管窺蠡測竊見

聖製往往與四始六義相為表裏集中煌煌大篇美難

遍舉試言其略如長至祀

天恭謁

孝陵告祭

福陵

昭陵則思文我將清廟之什也

巡幸諸詩則時邁其邦敷天袞對之篇也

慈寧問安南苑進果山中獲禽恭進諸作則南陔白華之純孝也昇平嘉宴同羣臣賦詩及賜大將軍以下則

鹿鳴天保湛露彤弓之詠也春蒐大閱行圍閱馬及親
統六師徂征漠北則車攻吉日瞻彼洛矣之歌也收復
岳州及台灣平勦滅噶爾丹則江漢之雷霆飛翰殷武
之赫聲濯靈也其觀苗喜雨題耕織圖則豳風之七月
小雅之大田周頌之良耜也其夏旱夜坐蠲逋留漕見
泰安等處飢民亟命設法賑濟諸什則瞻雲問夜之憂
勤而鴻雁安宅之豈弟也閱馬牛羊羣及松花江網魚
最多則三百惟羣九十其惇而潛有多魚也所過松山

杏山大凌河皆

聖祖用武之地有述則皇矣上帝天作高山而燕天昌
後之貽謀也其懋勤殿讀書經筵講易靜坐讀書自喻
諸篇則日就月將學有緝熙于光明也其他遊覽山川
留連景物雖短韻偶吟莫不本仁民愛物之天懷隨感
而輒寓其諸所謂

聖謨洋洋嘉言孔彰言而世為天下則者乎臣忝校刊
事竣與有榮幸焉爰獻芻言敬書簡末巡撫江寧等處

地方都察院右副都御史臣宋肇拜手稽首謹序

重訂家乘序

先文康府君于順治戊子秋游經兵火之後搜緝先世嘉言懿行二卷以示子孫名商邱宋氏家乘未卒業也越四年而府君捐館肇等讀禮之餘仰承先志更為裒益之又十一年康熙甲辰肇以侍衛奉

簡書判黃退食無事重加釐訂焉梗概略具擬劄劄而未果又十三年丁巳肇以內補得判藩院復乘公暇取

而編次之共成八卷適仲弟炘銜

命權蕪闕載與俱行因付之梓梓成乃再拜為之序曰
古者諸侯世國大夫世家故氏族遞傳子孫皆能知其
所自始後世譜牒散淆渙然靡所統紀而士大夫崇本
返始之心茫乎無所寄更三四世子孫不知書或至迷
其所出者有之抑又聞古聖王之治天下上治祖禰下
治子孫旁治昆弟合族而食序以昭穆以能長世而不
亂蓋親親故尊祖尊祖故敬宗敬宗故收族自王公以

逮士庶教化明而禮俗成非獨以其譜也至譜亦不存
又安知世裔族屬之所繫哉吾家自微子封於宋後遂
以國為氏而家乘不及者世遠年湮不敢苟為附會也
著其近者則自肇之從曾祖莊敏公始公修身制行余
影必飭立朝大節經國弘猷載在史冊天下後世蒙其
利焉爰及秋部計部二公皆以經術行誼振厥家聲肇
祖福山公澹泊寧靜垂裕後昆雖未竟厥施而厚集於
我文康公歷官中外以迄東鉤罔不兢兢翼翼移孝作

忠實繼述我祖之志事而善成之也至我王母丁太夫人貞操淑德閱四十年如一日即古稱賢母何多讓焉
榮等不才謹守先人堂構惟是前規在望惴惴焉不克
負荷是懼尤恐愈遠愈忘不知水源木本所自因輯是
編而誌其慎重之意若此嗚呼後之人覽家乘者庶其
念祖宗積德之艱而不至荒墜厥緒乎

三訂家乘序

商邱宋氏家乘八卷榮判藩院時所重編也迄今幾三

十年子姓愈以繁衍又其中間叨遇

國恩天章寵錫有加於前乃隨時綴輯踵事增華凡遺
文軼事散見於學士大夫之記籍者旁搜博考靡不摭
錄又不揣固陋纂為家傳九篇外傳六篇至於發凡起
例向時多所未安則更易審定列為九條而排綴其文
為一十四卷書成重開雕於平江使院家乘于是乎彬
彬可觀矣榮惟司馬遷班固之作史也並終之序傳以
闡揚先烈文中子著書亦首紀銅川六世所述用昭先

人之成訓蓋聲聞之論譔其先祖之美者禮也先祖有善而弗著著之而弗詳則皆禮之所非而仁人孝子所隱痛於中也今夫身都貴富纓紱軒冕之胄世世弗絕人情鮮不慕望以為榮然君子之所謂美者弗存焉昔叔孫穆子謂保姓受氏以守宗祊祿之大者無世無之惟功德與言久而不廢乃為不朽故曰魯有先大夫曰臧文仲既沒其言立其是之謂乎然則論譔其先祖之美者亦於是取之而已矣我莊敏公正色立朝以掌邦

治我文康公乘時奮庸熙

帝之載其豐功駿德嘉謀嘉猷固已各被於當時而表
於後世即樂菴公潛而未曜福山公施而未究或厯修
於一家或厯試於一邑然皆劬躬燾後有以大啓其子
孫乃若丁太夫人以巍巍孝節育其孤以成台輔而閨
門之內肅肅雖雖遞相師法亦近世稱壺德者所未嘗
有也夫君子樂道人之善苟遇一二事之可傳者雖得
之交遊之親見閭里之傳聞猶且流連太息筆之於書

以垂勸於來世況其為先世之盛美卓卓如是忍聽其
闕略而弗圖則無乃遺佚前光而滋之罪戾乎古人有
言曰挈瓶之智不失守器華所為夙夜兢兢惟恐廢墜
自蒞官以來四五十年常愧德薄能尠而一言一事必
謹守先祖之懿矩至於老而不懈蓋雖

玉音問答之時所以對揚

王休者胥此志也於戲凡我後人尚皆敬畏恪恭惟趾
美前人之是務此聲今日慎重排纘之意也夫若夫譜

牒所紀期無失乎先王尊祖敬宗收族之遺法而示後人以崇本返始之心則曩者固言之已詳矣今可不復贅云

江左十五子詩選序

周官太師之職教六詩必以六德為之本而王制天子巡狩則命太師陳詩以觀民風故觀於詩而其人可知也觀于詩不一人人不一家而民風亦可知也予不敏建節撫吳且一紀休養以無事既久而民安樂之則日

以多暇乃得振興風雅後先賞識名人才士于大江南
北間凡十五子著于篇夫人三為衆至五其三而衆大
萃矣雖江左人文實繁然在吾左轄之內者其亦庶幾
無留良矣乎昔吳季札觀周樂工歌十五國風本無吳
非自孔子刪之蓋其時僻在荒服風氣未開漢魏以來
文人代興詩乃漸盛至于今而極豈非由

今天子濬哲文明言成雅頌久道化成于上而大江南
北丕然從風遂甲天下也與夫上古之九歌用以勞民

勸相而春秋君卿大夫燕饗答貺率歌詩以交鄰國
往往尚禮而息兵如鄭七子及六卿賦詩見志之類
以其有用故貴之也豈若後世月露風雲為無益之
藻繪也哉今十五子中有連茹而升巖廊者亦有翺
羽于將來者予咸望其載賡明良德音卷阿作為雅
歌而追虞周之作者詎不偉與予嘗舉是集與老友
邵子湘氏共精選而存之得三之一授之梓詩無甲
乙以齒次第十五子者曰王方若曰吳山掄曰宮友

鹿曰徐大臨曰錢亮工曰張日容曰楊青村曰吳荆
山曰顧俠君曰李百樂曰蔣揚孫曰繆湘芷曰王麟
照曰徐學人曰郭于宮但著其地而不書其爵蓋所
期者遠也噫人才之生日盛士本六德以陳詩于太
師者又豈十五子所能限乎行勉而竢之則吾猶有
望

西波類稿卷二十四



